

Ulluunerani paaqqinnittarfinni tamani inimi ataatsimi atorfiit akuerisaasut minnerpaamik sisamangortinneqarnerisigut aningaasatigut, allaffissornikkullu kingunissaanik ersarissaasumik nassuiaasiornissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Pipaluk Olsen, Demokraatit)

Akissuteqaat

(Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoq)

Siullermeerneqarnera

Naalakkersuisut siunnersuut nassiunneqarsimasoq sammisarlu annertoq inuiaqatigiinnilu pingaarutillip ukkatarineqalernera qujassutigaat, matumani ulluunerani paaqqinnittarfinni sinaakkutitut aaqquissuusaanerusumik tunngaveqarnissamik qulakkeerinninnissap pingaaruteqassusaa ilanngullugu.

§ 37 naapertorlugu apeqquteqaammur nr. 003-2026-mut akissuteqaammi sulisussaaleqineq sulinikkut nanertismanermik annertusaasinnaasoq taamaalillunilu ulluinnarni paaqqinnittarnerup pitsaassusianut sunniuteqarsinnaasoq, tamannalu aamma pissutsinut arlalinnut soorlu akissarsianut/atorfinititsinernut pissutsinut, ilinniartitaanerup akulikissusianut sumiiffinnilu sulisussarsiornermi pissutsinut attuumassuteqartoq Naalakkersuisut isumaqatigaat. Tassunga atatillugu Naalakkersuisut periusissiaq “meeraaneq nalitooq 2023-2030” innersuussutigaat, tassani sulisunut sinaakkutinik pitsanngorsaanikkut, matumani sulinermi atugassarititaasut, piginnaasanik ineriartortitsineq aqutsisoqarnerlu ilanngullugit, ulluunerani neqeroorutini pitsaassutsinik qaffassaanissaq qitiutinneqarpoq.

Sukumiisumik qulaajaasoqartinnagu sulisut amerlassusissaannik minnerpaaffiliinermi suliatigut illersorsinnaasumik tunngavilimmik, aningaasaqarnikkut allaffissornikkullu kingunerisassanik nalilersuinissaq pisinnaanngitsoq, Naalakkersuisut siusinnerusukkut paasissutissiissutigini kuuat. Matumunnga ilassutitut aalajangiiffigisassatut siunnersuummi nassuiaammik ujartuisoqarpoq, taanna paasissutissaqarnerusumik piviusorsioqartumillu aalajangiinissamat tunngavileeqataasinnaavoq. Ilanngullugu oqaatigineqarpoq, aalajangiiffigisassatut siunnersuummi aalajangersimasumik sulisut amerlassusissaannik minnerpaaffiliineq isummerfigineqanngitsoq, taamaallaalli politikikkut nangillugu eqqartueratarsinnaanissamat tunngaviliisinnaasumik nassuiaasioqarnissaanik pilersaartoqartoq. Taamaattumik aalajangiinissamat siunnersuutip akuerineqarnerata kingunerisaanik apeqqutit pineqartut pillugit nassuiaammi misissuilluqarnissaa nassuiarneqarnissaalu aningaasaqarnikkut allaffissornikkullu kingunerisassat ilanngullugit pisariaqartinneqassaaq.

Ulluunerani paaqqinnittarfiit kommuunit akisussaaffigimmatigit naatsorsuutigineqassaaq kommunini atorfiit minnerpaaffigisassaata annertusineratigut matussuserneqarnissaanik piunasaqarumaartut.

Taamaattumik misissuinerup naammasinerani siunnersuuteqartoqassappat sulisorisartakkanik amerlinerinik piunasaqartoqassappat ilisimaneqassaaq aningaasartassaannut tunngatillugu Nunatta karsianiit kommuninut tapiissutaasartut amerlisariaqarneri pisariaqarumaartooq.”

Siunnersuut soqutiginarloq pingaaruteqartorlu inatsisartuni oqallinnissaq qilanaaralugu
Naalakkersuisut oqaatigissavaat

Naalakkersuisut taamatut oqaaseqarlutik siunnersuutip akuerineqarnissaa inassutigivaat.